

গণপ্রজাতন্ত্রী বাংলাদেশ সরকার
উপজেলা নির্বাহী অফিসার-এর কার্যালয়
টেকনাফ, কক্সবাজার।
www.teknaf.coxsbazar.gov.bd

মাসিক এনজিও সমন্বয় সভার কার্যবিবরণী

| | |
|---------------|---|
| সভাপতি | : জনাব আদনান চৌধুরী, উপজেলা নির্বাহী কর্মকর্তা, টেকনাফ। |
| তারিখ ও সময় | : ২৯/০৮/২০২৩, সকাল ১১.০০ ঘটিকা |
| সভার স্থান | : উপজেলা পরিষদ সম্মেলন কক্ষ। |
| সভার উপস্থিতি | : পরিশিষ্ট 'ক'- তে সন্নিবেশিত। |

গত ২৯ আগস্ট ২০২৩, সকাল ১১ ঘটিকার সময়, টেকনাফ উপজেলায় কর্মরত সকল এনজিওসমূহের প্রতিনিধিদের উপস্থিতিতে মাসিক এনজিও সমন্বয় সভা অনুষ্ঠিত হয়। উক্ত সভায় সভাপতিত্ব করেন, জনাব আদনান চৌধুরী, উপজেলা নির্বাহী কর্মকর্তা, টেকনাফ। প্রধান অতিথি হিসেবে সভায় উপস্থিত ছিলেন জনাব নুরুল আলম, চেয়ারম্যান, উপজেলা পরিষদ টেকনাফ। এছাড়াও উপস্থিত ছিলেন উপজেলা সমাজসেবা কর্মকর্তা, উপজেলা কৃষি কর্মকর্তা, উপজেলা প্রাথমিক শিক্ষা কর্মকর্তা ও উপজেলা প্রকল্প বাস্তবায়ন কর্মকর্তাসহ উপজেলায় কর্তব্যরত সরকারী বিভিন্ন দপ্তরের কর্মকর্তাগণ। সম্মানিত সভাপতি উপস্থিত সকল ব্যক্তিবর্গকে ধন্যবাদ ও শুভেচ্ছা জানিয়ে সভার কার্যক্রম শুরু করেন।

সভার শুরুতে এনজিও সংস্থা বিটা (BITA)-এর প্রতিনিধি একটি পাওয়ার পয়েন্ট প্রেজেন্টেশনের মাধ্যমে উপজেলায় তাদের কার্যক্রমের বর্ণনা দেন। পাশাপাশি এনজিও ফোরাম ফর পাবলিক হেলথ, বিডিআরসিএস, পিএইচডি, মুক্তি কক্সবাজার সহ আরো কিছু সংস্থা তাদের ভিন্ন ভিন্ন প্রকল্পের কাজের অগ্রগতির ব্যাপারে তথ্য প্রদান করেন।

উক্ত সভায় প্রাথমিক শিক্ষা কর্মকর্তা সমন্বয়মূলক কার্যক্রম পরিচালনার জন্য সংস্থার প্রতিনিধিদের প্রতি কৃতজ্ঞতা জানান এবং ভবিষ্যতে যেন তা অব্যাহত থাকে, তার উপর গুরুত্বারোপ করেন।

প্রকল্প বাস্তবায়নকারী কর্মকর্তা জানান, টেকনাফ উপজেলার বিভিন্ন স্থানে এখনো বিশুদ্ধ পানির চাহিদা রয়েছে। তিনি আন্তর্জাতিক সংস্থাসমূহকে ওয়াটার ট্রিটমেন্ট প্ল্যান্ট প্রকল্প বাস্তবায়নের জন্য বিশেষ অনুরোধ করেছেন।

উপজেলা সমাজসেবা কর্মকর্তা বলেন, টেকনাফ উপজেলাটি তুলনামূলকভাবে শিক্ষা ও সাংস্কৃতিক দিক দিয়ে পিছিয়ে আছে। সহায়তাদানকারী সংস্থাসমূহ শিক্ষার ও সংস্কৃতি চর্চার গুরুত্ব ও সচেতনতামূলক প্রকল্প প্রণয়ন করলে, স্থানীয় পিছিয়ে পড়া জনসাধারণের উপকার হবে।

পরিবার পরিকল্পনা কর্মকর্তা বলেন, স্থানীয় যুবক-যুবতীদের নিরাপদ সন্তান প্রসবের ব্যাপারে অনুপ্রাণিত করতে হবে এবং সচেতনতামূলক প্রশিক্ষণ প্রদান করতে হবে, যাতে করে তারা নিজেরা সচেতন থাকে, পাশাপাশি সমাজের অন্যান্য মানুষকে সচেতন করতে পারে। নিরাপদ প্রসব নিশ্চিত করার লক্ষ্যে তিনি ঘরে সন্তান প্রসব না করে, পার্শ্ববর্তী হাসপাতাল বা কমিউনিটি ক্লিনিকে যাওয়ার পরামর্শ দিয়েছেন।

উপজেলা কৃষি কর্মকর্তা জানান, কিছু সংস্থার সমন্বয়ের অভাবে একই সুবিধাভোগীগণ বার বার নির্বাচিত হচ্ছে। এর ফলে কৃষিসামগ্রীর সমবন্টন নিশ্চিত করার সম্ভব হচ্ছে না। সুতরাং, কৃষিসামগ্রী বিতরণের পূর্বে উপজেলা কৃষি অফিসের সাথে সমন্বয়ের প্রয়োজনীয়তা রয়েছে।

সভায় প্রধান অতিথি সম্মানিত উপজেলা চেয়ারম্যান মহোদয় স্থানীয় শিক্ষিত বেকার যুবক-যুবতীদের চাকরীর ব্যাপারে প্রাধান্য দেওয়ার কথা তুলে ধরেন। তিনি উপজেলা কমপ্লেক্সে একটি "চাকুরীর বিজ্ঞাপন বাজার" চালু করার জন্য পরামর্শ দিয়েছেন। সভায় তিনি জানান, টেকনাফ উপজেলায় প্রতিবন্ধীদের একটি বড় সংখ্যক জনগোষ্ঠী রয়েছে। তাদের তালিকা করে সংস্থাগুলো সহযোগিতার হাত বাড়িয়ে দিতে পারে।

পরিশেষে সভাপতির বক্তব্যের শুরুতে উপস্থিত সকল এনজিও সংস্থার প্রতিনিধিদের প্রতি কৃতজ্ঞতা প্রকাশ করেন। তিনি বলেন, রোহিঙ্গা আগমনের পর থেকে বিভিন্ন দেশী-বিদেশী এনজিও সংস্থা কাজ করে যাচ্ছে। সংস্থাগুলো টেকনাফ উপজেলার সার্বিক উন্নয়নের সাথে প্রত্যক্ষ ও পরোক্ষভাবে জড়িত। এই উন্নয়ন ধারাকে অব্যাহত রাখতে উপজেলা প্রশাসন ও সংস্থাগুলোর মধ্যে সমন্বয় করে কাজ করতে হবে। টেকনাফ উপজেলার হোট কন্সট্রাক্টিভিসহ রোহিঙ্গা ক্যাম্প যেসব সংস্থা কাজ করছে, তাদের উচিত উপজেলার সংশ্লিষ্ট অধিদপ্তরের সাথে সমন্বয় করে কাজ করা, যাতে করে উপকারভোগীরা যথাযথভাবে সহযোগিতা গ্রহণ করতে পারে। পর্যটন খাতের উন্নয়নের জন্য সংস্থাগুলোকে পর্যটন খাতে প্রকল্প প্রণয়নের পরামর্শ দিয়েছেন।

সভায় গৃহীত সিদ্ধান্তসমূহঃ

১. টেকনাফ উপজেলায় এনজিও সমন্বয় সভার তারিখ প্রতি মাসের শেষ মঙ্গলবার ধার্য করা হয়েছে।
২. টেকনাফ উপজেলায় কর্মরত সকল এনজিও সংস্থার কাজের একটি ডাটাবেজ তৈরি করা হবে।
৩. আগামী সমন্বয় সভায় মুক্তি কব্জবাজার ও এলজিইডি বিসিসিপি তাদের কার্যক্রম পাওয়ার পয়েন্ট প্রজেক্টেশন প্রদান করবে।


মোঃ আদনান চৌধুরী
উপজেলা নির্বাহী অফিসার
টেকনাফ, কব্জবাজার

ফোন: ০৩৪২৬৭৫১০০

মোবাইল নম্বর: ০১৮৫১৯৬৬৯৬৬

তারিখ: ২৯ আগস্ট, ২০২৩ খ্রি.

স্মারক নং-০৫.২০.২২৯০.০০০.০১৪.০১.০১.২২-

অনুলিপি: সদয় জ্ঞাতার্থে/কার্যার্থে

১. মাননীয় সংসদ সদস্য, কব্জবাজার-৪ (উখিয়া-টেকনাফ)
- ২। জেলা প্রশাসন, কব্জবাজার।
- ৩। চেয়ারম্যান, উপজেলা পরিষদ, টেকনাফ।
- ৪। মেয়র, টেকনাফ পৌরসভা।
- ৫। সহকারী কমিশনার (ভূমি), টেকনাফ।
- ৬। উপজেলা কর্মকর্তা, টেকনাফ।
- ৭। চেয়ারম্যান ইউনিয়ন পরিষদ, টেকনাফ।
- ৮। এনজিও সংস্থা, টেকনাফ।


উপজেলা নির্বাহী অফিসার
টেকনাফ, কব্জবাজার